



UNIVERSITÄTS-
BIBLIOTHEK
PADERBORN

Universitätsbibliothek Paderborn

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1843

XCVII. Bischof Burchard von Havelberg incorporirt der Johanniter-Comthurei Mirow die Pfarrkirche der Stadt Freienstein, im Jahre 1362.

[urn:nbn:de:hbz:466:1-54314](https://nbn-resolving.org/urn:nbn:de:hbz:466:1-54314)

under der vorbenomden Statt Ingefegelt to Potleff, dat wy tu thiüge all deffer vorbefehrevener Dingh gehenghet hebben am deffen Breff.

Beckmann's Beschreib. V, II, VIII, 324. Lenz Brand. Urk. S. 351.

XCVII. Bischof Burchard von Havelberg incorporirt der Johanniter-Comthurei Mirow die Pfarrkirche der Stadt Freienstein, im Jahre 1362.

In nomine domini Amen. Borchardus, dei gracia havelbergensis Ecclesie Episcopus, Vniuersis cristi fidelibus presentibus et futuris, ad quos presens scriptum peruenerit, salutem in domino. Cum pietatis opera exhibita in terris multiplici fructu recompententur (sic) in celis, a domino diuine messonis extreme, et timentes debemus operibus misericordie insudare, cum pietas ad omnia ualeat, habens in se repromissionem uite, que nunc est, secundum Apostolum, et future; maxime saluatoris nostri doctrinam in ewangelio attendentes, dicentis: Beati misericordes, quoniam misericordiam consequentur. Preterea cum fratres domus Myrow ordinis sacre domus sancti Johannis hospitalis ierosolymitani, nostre diocesis, et ipsa domus, maxime in bonis in nostra diocesi sitis, per varias gwerras et discordias dominorum terrarum ibidem depauperati sint et depressi, ita quod fratres dicte domus et alij eis necessarij familiares pre nimia paupertate non possunt commode sustentari; Nos igitur volentes necessitatibus dictorum fratrum misericorditer subuenire, de consensu concordi capituli nostre ecclesie, ipso capitulo propter hoc congregato, et habito super hoc tractatu, ecclesiam in Vrygensteyn nostre diocesis, cuius ius patronatus ad eos dinoscitur pertinere, et sunt in possessione iuris presentandi rectorem ecclesiam ad eandem, concessimus et presentibus concedimus memoratis fratribus et domui Myrow, quod possint fructus ecclesie eiusdem in usus suos conuertere et ad ipsam ecclesiam fratrem sui ordinis ydoneum et discretum ad regimen animarum nobis ac nostris successoribus pro tempore existentibus presentare in rectorem, per nos nostrosque successores examinandum et tam ad regimen ecclesie, quam ad curam populi instituendum, cui debent predicti fratres congruam et sufficientem portionem de presentibus ipsius ecclesie coram nobis uel nostris successoribus, priusquam instituantur, assignare, unde possint iura episcopalia et quecumque iura persoluere, hospitalitatem tenere ceteraque onera sibi incumbentia supportare et congruam sustentacionem habere et ipsam ecclesiam in Vrygensteyn in antiquo et laudabili statu conseruare, subiecimus, uniuimus et incorporauimus et presentibus subiecimus, uniuimus et incorporamus quoad temporalia tantum prefatam ecclesiam in Vrygensteyn cum suis pertinencijs et connexis, fratribus et domui prenotatis, prefati Capituli ecclesie nostre de consensu, congregato ad hoc capitulo et habito super hoc solempni tractatu, ad omnia premissa scilicet donacionem, subieccionem, unionem, incorporacionem et singula premisorum. Per prefatas vero donacionem, subieccionem, unionem et incorporacionem nobis, quantum ad legem dioecesanam et legem iurisdictionis et alia iura nobis competentia, nec capitulo ecclesie nostre, nec prelati nostre diocesis, nec aliis quibuscunque, quantum ad consuetudines, iura sua atque statuta, non intendimus in aliquo derogare, ymmo volumus ius nostrum, consuetudines, iura ac statuta aliorum, sicut premittitur, in suo permanere vigore, donacione, subieccione, unione, incorporacione non obstantibus antedictis. Ad maiorem autem euentiam premisorum, sigillam nostrum cum sigillo ecclesie nostre capituli havelbergensis presentibus est appensum. Datum havelberghe, in Capitulo nostro, Anno domini Millesimo Tricentesimo Sexagesimo secundo, dominica prima post pascha.

Nach dem Originale des K. Geh. Kabinet-Archives, Johanniter-Ordens-A. K. IX, Vol. 4.